



la discor rumantsch!

Lez Vous mussar tgi vegias amprandia rumantsch?

A parteir digl 2021 pudez Vous lascher examinar Vossas ancunaschientschas da rumantsch. I dat examens aint igls idioms sursilvan, sutsilvan, surmيران, puter e vallader – ed an rumantsch grischun.

fide 
rumantsch

Examen da rumantsch

(surmيران)

Tge nivels dattigl?

I dat examens a bucca sen igls nivels A2 e B1 ed examens an scretg sen igls nivels A1 ed A2. Ins pò absolver differents nivels a bucca ed an scretg. Sch'ena persunga discorra per exaimpel gio fluentamaintg rumantsch, na sò pero betg liger u screiver usche bagn, pudess ella s'annunztgier pigl examen a bucca sen nivel B1 e pigl examen an scretg sen A1 u bagn A2.

A tgi sa drezza igl examen?

Igl examen sa drezza a tottas persungas interessadas tgi on amprandia rumantsch (en idiom u rumantsch grischun) ainten en curs u ainten igl mintgade e tgi lessan lascher examinar lour ancunaschientschas linguisticas.

Igl examen è er rancunaschia per las proceduras uffizialas an connex cun la natiralisaziun, igl permess da dimora u da domicil.

- Sch'ena persunga less absolver igl examen per la natiralisaziun sto ella far igls examens pigls nivels B1 a bucca ed A2 an scretg.
- Pigl permess da domicil (C) dovrigl igls nivels A2 a bucca ed A1 an scretg.
- Pigl permess da dimora (B) dovrigl igl nivel A1 a bucca.

Scu è igl examen structuro?

Igl ampren vez Vous en discurs cun dus experts. Igl discurs cozza 10-15 minutas. I suondan dus exerchezis an scretg. I sa tracta dad exerchezis digl mintgade. Vous stuez betg Az preparar spezialmaintg per chels. An tot vo igl examen bung en'oura.

Dattigl en certificat?

Schi Vous faschez igls examens cun success, survagniz Vous en **passaport da las linguas**. Igl passaport vign fatg an incumbensa digl Secretariat da stadi per la migraziun SEM ed è rancunaschia scu cumprova linguistica an proceduras per survagneir igl permess da domicil, da dimora ed igl dretg da burghes.

Cura e noua ins pò far igls examens?

Igls examens on li dus gedas ad onn a Coira. Las datas d'examen vignan publitgeidas sen la pagina-web da fide e sen www.curs.ch.

Scu possa m'annunztgier?

Igls formulars d'annunztga pudez Vous telecharger dallas paginas-web u ampustar via e-mail: rumantsch@fide-info.ch. Schi Vous duvrez ulteriouras infurmaziuns, ans tarmatte en e-mail a chella adressa. Nous raspundagn allas Vossas dumondas an scretg u per telefon.

Secretariat fide
Haslerstrasse 21
3008 Berna
031 351 12 12
rumantsch@fide-info.ch
www.fide-info.ch

Lia Rumantscha
Via da la Plessur 47
7000 Cuira
081 258 32 22
curs@rumantsch.ch
www.curs.ch